



COMUNU DE QUARTU S. ALENI

Progetu finantziau cun su dinai de sa Regione Autònoma de Sardigna cunformas a sa L. 482/99 e a sa L.R. 22/2018.

“IMAGINAI IN UNA LÌNGUA” GIÒBIA 2 DE LÀMPADAS SEGUNDU ATÒBIU CUN PINTAI BISUS IN QUARTU

Giòbia 2 de làmpadas torrat s’atòbiu cun “Pintai Bisus ”in Quartu Sant’Aleni, sa rassinnia de atòbius, spantus e chistiònis dedicaus a s’evoluzioni de sa bisura urbana, culturali e de identidadi de sa de tres tzitadi de sa Sardinnia e me in is tzitadis de s’isula.

Su progetu, promòviu de su comunu de Quartu Sant’Aleni imparis a Mari e Miniere, acarat, in su segundu atòbiu, s’argumentu de su raportu cun sa lèngua de mamai e cussu de s’identidadi chi s’agatat intre modernidadi e is arrastrus de su passau.

“IMAGINAI UNA LÌNGUA”, custu est su tìtulu de s’atòbiu chi s’at a tenni giòbia merì, a cumintzai de is oras de 19:30, in su inclàustru a sa de s’ex conventu de is capucinus in bia Brigata Sassari.

Òspiti de s’atòbiu at a essi s’autora Maria Gabriela Ledda, chi est testimònia in su caminu de s’arti sua de sa circa de una dimensioni noa in s’àmbitu de sa lèngua. Ant a pigai parti a s’atòbiu Elena Ledda e Simonetta Soro. Moderat s’atòbiu Lorena Carboni. S’intrada est a indonu fintzas a spaciai is postus.

“Aici cumentis sa definitzioni de is tretus urbanus in sa dimensioni de sa tzitadi, puru sa circa de una dimensioni spatziali in s’espressividadi de sa lèngua est una parti integranti de s’esercìtziu colletivu a faci de una tzitadinàntzia abista, prena e giuditziosa, capassa de fai unu stili nou po sa cunvivèntzia aintru de tretus de amanniaduras, catalizadoris de fortzas e movimentus nous de interessu culturali e tzivili.

Manixendi s’esercìtziu de s’imaginàriu torraus a scoberri una lèngua ancora bia oindi, capassa de contai su tempus colau, su presenti e su benidori de una comunidadi.